



Bilten

ORC/hCa Tuzla

Mjesečni bilten – maj/svibanj 2011.

- UVOD -

OMLADINSKI RESURSN CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. juli 1999.g) Danas mreža okuplja 138 članica i 53 pojedinca iz 63 mjesta u BiH (zadnji podatak iz maja 2011. godine, nakon revizije).

Dragi prijatelji, pred vama se nalazi **majsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:
<http://www.omladina-bih.net>

Uživajte u čitanju!!

SADRŽAJ

Aktivnosti u maju 2011.	2
Planovi za juni 2011.	3
Aktivnosti dijela članica mreže	4
Nove članice	18
Informacije/pozivi/takmičenja	19
Donatori, školarine, stipendije	22

AKTIVNOSTI hCa/ORC U MAJU 2011.

REKOM:

Tokom mjeseca maja smo, zajedno sa partnerskim organizacijama iz: Tuzle, Kalesije, Živinica, Banovića, Lukavca, Bihaća, Cazina, Velike Kladaše, Bosanske Krupe, Sanskog Mosta, Zenice, Zavidovića, Travnika, Maglaja, Tešnja, Gradačca, Srebrenika, Orašja, Jablanice, Konjica, Mostara, Stolca i Čelića nastavili sa prikupljanjem potpisa podrške za osnivanje REKOM-a, *Regionalne komisije za utvrđivanje činjenica o ratnim zločinima i drugim teškim kršenjima ljudskih prava počinjenim od 1991. do 2001. na prostoru nekadašnje SFRJ.* (www.zarekom.org)



U istovremenoj akciji u gradovima u regionu učestvuje više od 2.000 volontera i volonterki, dok su hiljade mladih nosioci kampanje prikupljanja potpisa koju će koordinisati Inicijativa mladih za ljudska prava, a koja će u svim zemljama nasljednicama SFRJ trajati do 6. juna. Potpisi se u Bosni i Hercegovini skupljaju na štandovima u 40 gradova, ali i u okviru on-line potpisivanja peticije <http://support.zarekom.org>. Koordinaciju prikupljanja potpisa u BiH vrše ORC Tuzla i PRONI Centar za omladinski razvoj Brčko Distrikt.

Tokom maja je prikupljeno oko 50.000 potpisa. Kampanja se završava 18. juna, kada će kompletna baza podataka prikupljenih potpisa biti predata parlamentima u regionu.

Potpis možete dati i na zvaničnom sajtu www.zarekom.org, na kom su detaljne informacije o Inicijativi za REKOM.

REKOM su dosad podržali predsednici Hrvatske i Srbije Ivo Josipović i Boris Tadić, Skupština Crne Gore, Evropska komisija i Evropski parlament, kao i brojne javne ličnosti u regionu.

Aktivnosti ORC-a tokom aprila:

U okviru koordinacije, održavanja i razvoja komunikacija unutar **Omladinske Mreže BiH** (www.omladina-bih.net) radili smo na sljedećim aktivnostima:

- svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti);
- Održavali i redovno dopunjavali informacije na našoj web stranici www.omladina-bih.net
- Slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima);

- Vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH

Aktivnosti u održavanju i servisiranju BH mreže Anna Lindh fondacije:

- Nastavili sa pripremama za zajedničke aktivnosti u okviru ALF BiH. U okviru ovoga, tokom juna će u 10 BH gradova biti održane javne tribine/ debate. Cilj ovih debata je poticanje međugeneracijskog dijaloga o kulturalnoj i socijalnoj različitosti kroz simultane događaje. Očekivani rezultati okrugloh stolova / debata su razvitak instrumenata za kulturalnu i tradicionalnu prezentaciju manjinskih grupacija u deset gradova u BiH.

„POZORIŠNI KARAVAN BEZ GRANICA“



U okviru partnerstva u projektu Draft Teatra Tuzla „Pozorišni Karavan bez granica“, a pod pokroviteljstvom Anna Lindh Fondacije, predstavnici Omladinskog Resursnog Centra Tuzla su, zajedno sa DRAFT Teatrom Tuzla, u periodu od 27. do 29. Maja boravili u Sloveniji. Domaćin i partner DRAFT Teatra u ovom projektu je Študentska Založba Ljubljana.

Ansambel DRAFT Teatra odigrao je pred Slovenačkom publikom predstavu „Siroti mali hrčki“, a prije izvedbe predstave održan je i okrugli sto na temu: „Emigracija i kultura“, na kojem su učestvovali predstavnici lokalnih vlasti, NVOa, manjinskih organizacija, medija, iz Slovenije i BiH.

Projekat Pozorišnog karava bez granica nastavlja se gostovanjima DRAFT Teatra u Bugarskoj i Turskoj početkom jula ove godine, te izradom dokumentanog filma u kome će se prezentirati rezultati ovog projekta.

PLANIRANE AKTIVNOSTI U JUNU 2011.

- Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine;
- Nastavak koordinacije bosanskohercegovačke mreže, u okviru Anna Lindh Fondacije;
- Nastavak aktivnosti prikupljanja potpisa podrške osnivanju REKOM-a. Svoje potpise možete dati na:

<http://support.zarekom.org>

AKTIVNOSTI ČLANICA OMLADINSKE MREŽE BIH



UG NVO „VOLONTERI & PRIJATELJI KONJICA“

Civilnih žrtava rata 3, 88400 Konjic

Tel.: 036 730 688, 061 610 127

E-mail: adismuhibic@gmail.com

Web : <http://volonteriprijateljikonjica.blogger.ba/>

ZAJEDNICU GRADE I AKTIVNI GRAĐANI I ODGOVORNI VIJEĆNICI

Zajedno sa aktivnim sugrađanima provodeći projekat - „TI BIRAŠ U MZI!“ i javnom kampanjom aktivisti i članovi NGG "Volonteri & prijatelji Konjica" zadobili su podršku 200 građana iz tri ulice (CŽR, Luka i IV Muslimanske brigade) MZ Trešanica, gdje su se beskompromisno suprotstavili uočenim nepravilnostima u izboru Savjeta MZ Trešanica, odnosno „fantomskim zborovima građana“.

Uz odgovornu podršku vijećnika OV Konjic, Samira Hadžihusejnovića svojom odlučnom borbom i javnim zagovaranjem za prava građana dali su doprinos ubrzanom donošenju Nacrta Statuta općine Konjic.



Učestvujući sa građanima Konjica u javnoj raspravi sredinom aprila ove godine pojačali su efekat građanskog aktivizma i uskoro se očekuje usklađivanje Statuta općine Konjic sa Zakonom o lokalnoj samoupravi FBiH, kao i novi izbori u MZ općine Konjic.

„Suština naše rasprave je bila, da se jača uloga građanina pojedinca i MZ i da se pojača odgovornost i transparentnost rada svih općinskih organa. Cilj je da se građanin stavi u centar svih zbivanja, odlučivanja i odgovornosti, što je praksa svih evropskih i međunarodnih povelja o pravima i slobodama građana“, rekao je Zlatan Ustalić, aktivista iz ulice Luka.

Realizaciju projekta pratile su brojne prepreke odgovornih u vezi rada u MZ Trešanica, koje su uspješno savladane i zaobiđene. Preciznije, građani su jasno kazali NE fantomskim zborovima građana i pozvali/prozvali odgovorne, da sprovedu nove, fer i demokratske izbore u svim MZ općine Konjic s građanima Konjica.

KONJIC-UMJETNIČKA ATRAKCIJA SVIJETA

Evropski kulturni događaj – prvo Bijenale savremene umjetnosti pod nazivom „Time machine - No network“ otvoreno je 27.5.2011. godine u podzemnom atomskom gradu u Konjicu koji se nalazi na dubini od 280 metara. Svojim djelima predstavilo se 45 umjetnika iz 13 zemalja. Umjetnici su osvojili nekada neosvojivi bunker, postavili i izložili 60 radova – instalacija koje šalju poruku mira, saradnje, tolerancije, humanizma. Svi su fascinirani objektom koji je muzej sam za sebe, a sada je to muzej u



muzeju, fascinirani su uspješnim spojem vojnog i umjetničkog, kreativnog i integrativnog, umjetninama koje promovišu život i mir, koje ostaju stalno u Bunkeru.

Bijenale se priprema već preko dvije godine, Vijeće Evrope ga je proglasilo kulturnim događajem ove sezone, pokrovitelj Bijenala je Predsjedništvo BiH, a organizaciju su značajno pomogle sve susjedne zemlje i Turska. Svi su ponosni, a posebno Volonteri ovoga grada koji su se organizatoru stavile na raspolaganje još prije pet mjeseci i tako postali dio ovoga velikog jedinstvenog događaja u historiji grada i cijele BiH.

Na taj način i volonteri Konjica su obilježili Evropsku godinu volonterizma 2011.

„Projekat Bijenale savremene umjetnosti bio je nezamisliv bez učešća i doprinosa i volontera. Dosadašnjim radom i zalaganjem pokazali smo i dokazali da imamo znanje, kompetenciju, iskustvo i autoritet da budemo podrška u realizaciji ovog velikog međunarodnog umjetničkog projekta zajedno sa našim saradnicima – i partnerima u projektu NVO „Centar života“ i OI „Neretva“ Konjic. U projekat je bilo regrutovano 53 volontera. Želim važnim istaknuti činjenicu, da su članovi i aktivisti naše grupe od 2006. godine do danas trošili vlastito vrijeme i novac kako bi riješili probleme koji muče veliku većinu ili pojedinca u gradu Konjicu i šire. Akcijama volontera do sada se pomoglo više ugroženih porodica, a u akcije je bilo uključeno oko 3000 ljudi. Posebna vrijednost ovih aktivnosti je uključenost mladih koji kroz volonterski rad grade sebe uz moto "sve moje je u drugome" i tvoje je samo ono što pokloniš drugome. Koristim priliku da se zahvalim na podršci i saradnicima iz Karate kluba Igman Konjic, FOM SDP Konjic, NVO altruista SVJETLO Sarajevo i Radio Konjic“, rekao je Adis Muhibić, glavni koordinator NGG „Volonteri & prijatelji Konjica“ i vođa lokalnog tima za podršku Bijenalu.

U sklopu Bijenala volonteri su pružili i podršku multimedijalnoj umjetničkoj grupi ŠKART iz Beograda, koji su zajedno sa lokalnim afirmisanim i neafirmisanim pjesnicima, piscima i umjetnicima organizovali na Kamenjaci ćupriji večer poezije i proze „P(j)ESNIČENJE“.



Konjic je više puta dolazio na prve stranice svjetske štampe, ali Bijenale savremene umjetnosti sigurno je najznačajniji i najljepši povod koji ovaj grad izvodí na svjetsku kulturnu scenu. Bijenale Konjic uvodi u kalendar svjetskih kulturnih događaja, o njemu pišu velika novinarska imena.

Konjic jeste mali grad, ali je još jednom pokazao da po ljepotama i kulturno - historijskim vrijednostima nadilazi svoju veličinu. Bijenale je otvoreno i traje, ARK je otvoren za cijeli svijet, isto kao i Konjic. Umjetnička postavka u Titovom bunkeru bit će otvorena do 27. septembra.

**INSTITUT ZA RAZVOJ MLADIH - KULT**

Centralni ured Sarajevo (CUS)

Banjska ul. 2, 71 210 Ilidža, Sarajevo

E-mail: kult@mladi.org, www.mladi.org

Tel/fax: 033/637 290, 033 621 351

Nijedno državno ministarstvo nije dobilo čisto pozitivno revizorsko mišljenje!

Prema posljednjem objavljenom izvještaju Ureda za reviziju BiH za 2009. godinu nijedno državno ministarstvo, ni Predsjedništvo, ni Parlament, nisu dobili čisto pozitivno mišljenje revizora. Pozitivno mišljenje je dobilo 12 državnih agencija, 3 državna instituta, 2 ureda, CIK, Arhiv, i još koja institucija, ukupno njih 28, ali najvažnije institucije, ogledala državne vlasti, nisu. U najboljem slučaju, ministarstva su dobivala pozitivna mišljenja s isticanjem predmeta, čime su revizori ukazali na to da postoje stvari koje se moraju urediti. Ukupno 19 institucija je dobilo takvo mišljenje s isticanjem predmeta, a 15 državnih budžetskih institucija dobilo je mišljenje s kvalifikacijom. Međutim, ovih 15 institucija koje nisu dobile povjerenje revizora imaju učešće u izvršenju budžeta od preko 60% (537.131.879 KM), što ukazuje da su finansijske nepravilnosti uočavane tamo gdje je budžet „najdeblji“. Nažalost, i pored uočenih i pokazanih neregularnosti, nijedna institucija nije sankcionirana, niti smjenom odgovornih osoba niti umanjnjem budžeta, iako je Zakon o reviziji institucija BiH dao takvu mogućnost Parlamentarnoj skupštini BiH.

**Zašto u budžetu Federacije BiH nema mladih?**

Odgovor na ovo pitanje trebale bi nam dati federalne vlasti. Recesija nikako ne može biti izgovor za ovaj propust, s obzirom da su se za druge marginalizirane grupe stanovništva uspjela izdvojiti znatna sredstva. Na veliku žalost svih mladih ljudi u Federaciji, čak i ministarstva koja su nadležna za mlade nisu svoje budžete opterećivali stavkama za svoje zakonske štićenike. Vlada FBiH nije u svome budžetu predvidjela sredstva za mlade, iako Zakon o mladima FBiH nalaže da će sva ministarstva, koja u svom djelokrugu imaju mlade, predvidjeti sredstva u budžetu za izradu programa za njih.

Nadamo se da će već sljedeći rebalans budžeta biti prilika da se ova budžetska nepravda ispravi.

**Potpisan Sporazum o saradnji s Gornjim Vakufom – Uskopljem**

Institut za razvoj mladih KULT, Općina Gornji Vakuf - Uskoplje i Omladinski centar Gornji vakuf - Uskoplje, potpisali su Sporazum o saradnji u projektu *Jednake mogućnosti za sve mlade!* Potpisnici će sarađivati na provođenju projektnih aktivnosti, koje uključuju istraživanje u oblasti društvene uključenosti mladih, izradu i provođenje preporuka, obuku za dvoje mladih iz lokalne zajednice itd. Tom prilikom, predstavnici/e Instituta za razvoj mladih KULT posjetili su prostorije Omladinskog centra. Tokom posjete razgovarali su o iskustvima u radu s mladima, problemima sa kojima se mladi u Gornjem Vakufu - Uskoplju suočavaju, kao i o mogućim rješenjima njihovih problema.



Studijska posjeta Berlinu

Predstavnic/i općinskih uprava i organizacija iz BiH, Hrvatske i Srbije, koje učestvuju u projektu *Jednake mogućnosti za sve mlade!*, prisustvovat će studijskoj posjeti Berlinu. Tokom studijske posjete učesnici/e će imati priliku prisustvovati radionicama koje će voditi stručnjaci/kinje za politike društvenog uključivanja, kao i posjetiti organizacije u Berlinu koje se bave uključivanjem mladih. Pored ovoga, učesnici/e će posjetiti Savezno ministarstvo za porodicu, umirovljenike, žene i mlade.

Zaštiti svoje zdravlje ili guma glavu čuva



U Srednjoj tehničkoj školi grafičkih tehnologija, dizajna i multimedije održana je posljednja ovomjesečna radionica *Zaplovimo zajedno*. Budući da je ovaj edukativni i interaktivni čas održan u okviru predmeta Biologija, profesorica Biologije istaknula je kako se ovoj temi u našem obrazovnom sistemu ne pridaje mnogo važnosti, i da ona čak nije uključena u nastavni plan i program. U punoj učionici učenici/e su i ovaj put mogli naučiti koje su to vrste seksualno prenosivih infekcija, način na koji se prenose i kako se od njih zaštititi.

Poseban naglasak stavljen je na virus HIV-a, jer su edukatori/ce kroz prethodne radionice uvidjeli da veliki broj mladih ne zna na koji način se ovaj virus prenosi.

U općini Kakanj uskoro strategija prema mladima

Sastanak za izradu dokumenta strategija prema mladima općine Kakanj održan je 11. 5. Prisutni su bili članovi radnih grupa, službenica za mlade Općine Kakanj, te predstavnici/ce Instituta za razvoj mladih KULT. KULT je iznio je niz preporuka za radne oblasti: obrazovanje, zapošljavanje, socijalna politika, kultura, sport i slobodno vrijeme, zdravstvo, te aktivno sudjelovanje mladih u društvenim procesima. Istaknuta je važnost korištenja podataka iz Analize rezultata istraživanja problema i potreba mladih općine Kakanj, planiranje realnih troškova aktivnosti, te primjenjivost strategije.



Vršnjački edukatori/ce - od prakse do samoosnaživanja



Vršnjački edukatori/ce iz partnerskih općina prisustvovali su su naprednom treningu *Follow up*. Trodnevni trening održan je u prostorijama Spajalice. Ovaj trening je riješio mnoge dileme naših edukatora/ica. Bila je to idealna prilika da mladi postave mnoštvo pitanja i da na njih dobiju odgovarajuće i korisne odgovore. Pažljivo su se pratile vještine koje su edukatori/ce usvojili na prethodnim treninzima, a skrenuta im je pažnja na one vještine koje malo ili nimalo koriste u svome radu. Izuzetno je važno da edukator/ica svoje znanje kontinuirano nadograđuje, ali tačnim i provjerenim informacijama. *Follow up*

predstavlja posljednju kariku u lancu aktivnosti za vršnjačke edukatore/ice u okviru GIZ-ovog Omladinskog zdravstvenog projekta.

Otkazan ljetni volonterski kamp

Ovog ljeta, od 5. do 23. jula, pripremano je nešto posebno i nadasve raznoliko. U tome periodu, Institut za razvoj mladih KULT trebao je biti domaćinom svim mladim ljudima koji žele svoje vrijeme upotpuniti odličnom avanturom ukoliko se prijave na volonterski kamp! Međutim, Ljetni volonterski kamp otkazan je iz tehničkih razloga, uvjetovanim partnerskim organizacijama iz Francuske i Njemačke. Ovom prilikom se izvinjavamo svim učesnicima/ama koji su iskazali interes za učešće u kampu.

Značajna saradnja KULTA s vlastima

Povodom obilježavanja Sv. Georgija, zaštitnika Opštine Istočna Ilidža, održana je Svečana akademija. Svečanosti su prisustvovali načelnik Opštine, kao i brojni predstavnici/e izvršne i zakonodavne vlasti sa svih nivoa vlasti. U okviru svečanosti načelnik Opštine gosp. Predrag Kovač uručio je zahvalnicu KULTU za dugogodišnju saradnju i pomoć projektima razvoja lokalne zajednice koji se tiču uključivanja mladih. Dodijeljena zahvalnica značajan je pokazatelj KULTOVE saradnje s vlastima, koja se temelji na partnerskim odnosima, a sve u cilju razvijanja otvorenog društva u kojem su građani/ke uključeni u sve procese odlučivanja u javnom životu.



OSCE i KULT uskoro potpisuju sporazum o saradnji

Sastanak KULTA, Omladinskog savjeta Republike Srpske (OSRS) i Misije OSCE-a u BiH, održan je proteklog mjeseca u Banjoj Luci. Na sastanku su organizacije razmijenile trenutna težišta svoga rada, te jedne drugima ponudile podršku i partnerstvo. Tako će OSCE i OSRS pružiti podršku KULTU u procesu uspostavljanja vijeća mladih u FBiH, kao i jačanju omladinskih savjeta u RS-u; također će zajedničkim snagama raditi na pripremi publikacije koja će pomoći omladinskim organizacijama i vijećima mladih da se profesionaliziraju. KULT će OSRS-u biti na pomoći prilikom izrade nacrtu izmjena i dopuna Zakona o omladinskom organizovanju RS-a. OSCE i KULT će uskoro formalizirati svoju saradnju i zvaničnim sporazumom o saradnji.

Budi promjena koju želiš vidjeti - Change. You can.

AIASEC, najveća studentska organizacija na svijetu, koja nastoji vršiti pozitivan utjecaj na društvo i omogućiti razvoj mladih održala je jedan od svojih najvećih projekata Career days - "Change. You can." Ostvarivanje kontakata između studenata/ica i tržišta poslovanja, čime se nastoji smanjiti nezaposlenost mladih, kao i povećati njihove aktivnosti, primarni su cilj ovog projekta.

Kompanije su imale priliku susresti se sa studentima/cama različitih obrazovnih profila i ujedno sagledati mogućnost zadovoljenja svojih kadrovskih potreba u budućnosti, potencijalne stipendiste/kinje i buduće volontere/ke. Ruku podrške i ove godine ovom projektu pružio je i KULT. Volonteri/ke KULTA zainteresirane studente/ice upoznali su sa svojim radom, prenijeli stečena volonterska iskustva i ukazali na značaj obavljanja društveno korisnih aktivnosti u volonterskim organizacijama.



Znate li šta je to emocionalna pismenost?

U okviru inicijative *Učešće mladih u strateškom razvoju lokalnih zajednica* održane su radionice o temama Javno zagovaranje i Mirovno rješavanje sukoba. Tokom radionica polaznici/e su imali priliku upoznati se s tipovima i ciljevima javnog zagovaranja, njegovoj formi i važnosti, te ključnim elementima u kreiranju javne poruke. Također su se upoznali s procesom zagovaranja za usvajanje Zakona o mladima FBiH, od izrade do izlaska u Službenim novinama. Pored gore navedenog, omladinski lideri/ke imali su uvid u pojmove pregovaranja i lobiranja. Gledanje dijelova iz filma *City Hall*, imalo je, naglasili/le su, izuzetno slikovit prikaz naučenoga na radionicama. Radionice o temi Mirovno rješavanje sukoba bile su također vrlo zanimljive polaznicima/ama. U okviru ovih radionica učesnici/ce su imali/e priliku upoznati se s osnovnim komunikacijskim vještinama kao što su aktivno slušanje, parafraziranje i sažimanje. Predavačica je polaznicima predstavila 5 standardnih pristupa sukobu, nakon čega je uslijedila i analiza sukoba i savjeti kako da se nose s njima. Od izuzetne je važnosti napomenuti da su u okviru projekta polaznici/e obuke omladinskih lidera/ki UMiD uspješno završili prvu fazu malih akcija. Nakon ovoga slijedi i druga faza kada će polaznici/e stečeno znanje primijeniti u timskom radu tokom provođenja malih projekata u svojim lokalnim zajednicama.



Dok sve ostalo uvozimo, med ćemo početi izvoziti!

Angažiranošću u mjesecu maju KOŠNICA ima meda i za izvoziti, a još veći intenzitet aktivnosti najavljujemo u junu, stoga požurite na www.kosnica.ba i napravite svoju narudžbu. Strateški razmišljajući, pametne pčelice su nektar iz proljetnog cvijeća pretvorile u najslađi med ikada. Djevojke, mlade pčele, iz Ilidže, Velike Kladaše, Žepča, Sarajeva, Vogošće, Šekovića, Vlasenice, Gračanice, Bugojnog, Prijedora, Istočne Ilidže i Šipova samoosnažene uz pomoć novih modula, za još jedan veliki korak bliže su kompletiranju svojih liderskih znanja i vještina. Time im je preostao još jedan dio osnovnog dijela obuke i to Pitanje ravnopravnosti spolova u strategiji prema , koji će rezultirati konkretnim planom. Veliki doprinos svojoj slatkoj rezervi dale su pčelice iz Žepča i Ilidže, i to svojim aktivnostima na malim akcijama. Naime, dok je mala akcija učenja tehnika samoodbrane *Ne dozvoli da budeš žrtva nasilja* koju su pokrenule polaznice iz Ilidže u završnoj fazi svog životnog vijeka, polaznice iz Žepča su započele s intenzivnim i aktivnim upoznavanjem mladih svoje lokalne zajednice sa njihovim ravnopravnim rodnim ulogama u društvu. Kroz sufinansijersku podršku u realizaciji malih akcija djevojke su se još jedan put dokazale kao aktivne sagovornice u dijalogu s vlastima. KOŠNICA je stekla nove partnere u Agenciji za ravnopravnost spolova Bosne i , koji su oduševljeni njenim prošlim, trenutnim i budućim aktivnostima. U okviru Otvorenog dana bh. ženskog preduzetništva projekt je sa svojim programom edukativnih obuka neformalnog obrazovanja i stjecanja liderskih kompetencija za žene javnosti predstavio važnost ove komponente kao polazišta preduzetništva. KOŠNICA je bila programski dio manifestacije organizirane povodom obilježavanja svjetskog dana preduzetnica prenoseći poruku uloge neformalnog obrazovanja u liderstvu.





HUMANITARNA ORGANIZACIJA „PARTNER“ BANJA LUKA
Beogradska 8, 78 000 Banjaluka
Tel/fax: 051 250 730
e-mail: partner@teol.net, infopart@teol.net
<http://www.ho-partner.rs.sr>

Humanitarna organizacija "Partner" je povodom obilježavanja desetogodišnjice svog rada 12.05.2011. u Domu omladine u Banja Luci, organizovala "Prvi eksperimentalni filmski festival o osobama sa invaliditetom".

Festival je otvorio gradonačelnik Banjaluke gospodin Dragoljub Davidović, a prisutnima su se obratili predstavnici vladinih institucija, nevladinog i privatnog sektora, medija i drugi koji su „Partneru“ čestitali ovaj važan jubilej.



Na festivalu su prikazani filmovi "Pristupačna škola", reditelja Jurki Heinonena iz Finske, "Ustani, skromnosti", u režiji Siniše Grabeža iz RS, "Jedan drugačiji dan", reditelja Samira Hidanovića iz Federacije BiH, "Boje moje duše", reditelja Radoslava Pandurevića, "Sjaj u tami" u proizvodnji Saveza slijepih i slabovidih RS, "Skriveni ljudi" u proizvodnji banjolučkog Udruženja za pomoć mentalno nedovoljno razvijenim licima, "Dozvoli mi da pokušam" reditelja Zorana Colića iz Srbije, "Možemo više" i "Život sa vedrije strane" Silvije Pašajlić iz Srbije i "Plešem u sebi", reditelja Damiena O'Donela iz Irske.

Na Festivalu su, osim umjetničkih sadržaja, prikazana svakodnevna iskustva osoba sa invaliditetom koristeći afirmativni pristup (a ne pristup sa sažaljenjem), te njihovi lični problemi, odnos javnog mnjenja, socijalni i ekonomski položaj u kome se nalaze kao marginalna grupa. Cilj Festivala je bio da se kroz razmjenu informacija podstakne na implementaciju primjera dobre prakse za uključivanje osoba sa invaliditetom u širu društvenu zajednicu.

Organizaciju Festivala su finansijski pomogli Kancelarija UNICEF-a u BiH i Administrativna služba grada Banjaluka, dok je medijski pokrovitelj bila Radio-televizija Republike Srpske. Mnogobrojnim saradnicima koji su dali svoj pečat uspješnom radu HO „Partner“ u proteklih 10 godina, uručene su plakete i zahvalnice.





UDRUŽENJE IPAK - MLADOST GRADI BUDUĆNOST
PROJEKTNI URED: Patriotske lige 10, 75000 Tuzla, BiH
Tel/fax: 035 257 474, Telefon: 035 257 097
E-mail: ipak_tuzla@bih.net.ba,
www.ipak-mgb.ba, www.mladiuakciji.ba

Realiziran trening na temu „Ljudska i građanska prava“



U okviru projekta „PIN-Action“, koji je podržan od strane Instituta za međunarodne odnose iz Njemačke (IFA), realizirana je dvodnevna obuka za mlade lidere Regionalne omladinske mreže za lokalni razvoj na temu ljudskih i građanskih prava.

Obuka je realizirana sredinom maja mjeseca u IOC IPAK-SHL na kojoj je prisustvovalo 20 mladih ljudi iz nekoliko gradova i sredina podrinske regije.

Neki od ciljeva treninga su: Približiti učesnicima koncept osnovnih ljudskih potreba, Senzibilizacija učesnika za prepoznavanje diskriminacije u društvu, Učenje o osnovima po kojima se diskriminacija vrši i uočavanje lične i društvene odgovornosti.

Učesnici su bili veoma aktivni i zainteresirani za temu koja je vrlo važna u životu svakog pojedinca.

„Toliko pozitivne energije, smijeha i druženja, a razgovaralo se o veoma ozbiljnim temama. Naučila sam nešto novo što sam sad spremna da branim u svakodnevnom životu kad se sretnem s tim. A očekujem to i od ostalih ovdje.“, bio je komentar jedne od učesnice sa treninga.

Sljedeća obuka je planirana u mjesecu junu na temu „Razrada ličnih i društvenih konflikata“. Više informacija u narednom izdanju biltena omladinske mreže.



Trening za pisanje projekata u okviru programa Mladi u akciji (MuA)

Udruženje IPAK-Mladost gradi budućnost zvanična Kontakt tačka za program Mladi u akciji u BiH u saradnji sa Komisijom za koordinaciju pitanja mladih u BiH organizuje tri trodnevne obuke koji će obučiti predstavnike/ce omladinskih organizacija, organizacija i institucija vlasti koje se bave pitanjima mladih kako da napišu projekat i dobiju finansijska sredstva u okviru programa „Mladi u akciji“ Evropske Unije.

PROGRAM MLADI U AKCIJI



Program „Mladi u akciji“ je najveći program namjenjen mladima cijele Europe koji će se realizovati od 1. januara 2007. do 31. decembra 2013. godine. Ukupan budžet programa iznosi 885 miliona eura. Program „Mladi u akciji“ podstiče angažovanje mladih sa uskraćenim prilikama i obuhvata mlade u dobi od 13 do 30 godina. Program „Mladi u akciji“ nudi mogućnost mladima da postignu mobilnost i aktivno učestvuju u izgradnji Evrope. Cilj je doprinijeti izgradnji “Evrope znanja” i stvoriti evropsku arenu za saradnju na razvoju politike za mlade, na osnovu neformalnog obrazovanja. Tu se podstiče koncept doživotnog učenja i razvoj vještina i sposobnosti, čime se promoviše aktivno građansko učešće.

CILJEVI TRENINGA

Kroz planirane treninge i obuke cilj je stručno unaprijediti znanje i vještine mladih u BiH kako bi postali ravnopravni konkurenti pri učešću na konkursima programa „Mladi u akciji“. Cilj je, dakle, povećati broj učesnika u programu MuA iz Bosne i Hercegovine.

UČESNICI TRENINGA

Predstvanik/ca omladinskih organizacija, organizacija i institucija vlasti BiH, koje se bave pitanjima mladih i koji/e su u svojim organizacijama odgovorni/e za prikupljanje sredstava i pisanje projekata.

TERMINI I MJESTA ODRŽAVANJA TRENINGA

1. Trening 07.-09. juni Travnik
2. Trening 10.-12. juni Trebinje
3. Trening 24.- 26. juni Bihać

Više informacija o obukama na sajtu: www.mladiuakciji.ba

Omladinski kamp na temu „ Ljudska prava u prošlosti, sadašnjosti i budućnosti“

Predstavnicima Udruženja IPAK-MGB su u periodu od 09.-12. maja ove godine boravili u Berlinu na seminaru o projektima na temu ljudskih prava u društvu.

Seminar je organizovan od strane Fondacije „Sjećanje, odgovornost i budućnost i programa Europeans for Peace. Rezultat seminara je omladinski kamp u Internacionalnom omladinskom centru IPAK-SHL u Križevićima u periodu od 09.-23. jula ove godine.



Zajedno sa partnerskom organizacijom Volksbund e.V iz Frankfurta bićemo domaćini za 20 mladih ljudi iz Njemačke i BiH. Teme kampa su vezane za historijska dešavanja u svijetu i ugrožavanje ljudskih prava u ratovima koji su obilježili prethodni vijek.

Više informacija u omladinskom kampu kao i načinu prijave za učešće uskoro na sajtu:

www.ipak-mgb.ba

Preko 200 „starijih“ i „mlađih“ na Izletu Mreže Stariji brat, starija sestra BiH

Preko 200 djece i volontera iz šest bh.gradova sastalo se u Zenici na Izletu Mreže Stariji brat, starija sestra BiH 21. maja/svibnja 2011. godine. Grupe iz Banja Luke, Foče, Mostara, Sarajeva, Tuzle i Zenice su se prvi puta našle zajedno na jednom mjestu, te učestvovala u programu pripremljenom za njih.

Iz Tuzle, odnosno Udruženja IPAK- Mladost gradi budućnost i Tuzlanske amice na Izlet je krenulo 22 volontera/ki i djece sa projekt voditeljima. U Udruženju IPAK-MGB je smješten sekretarijat Mreže Stariji brat, starija sestra BiH.



Okupljanje je učesnicima omogućilo da uvide brojnost svojih vršnjaka u različitim gradovima i potvrde osjećaj pripadnosti projektu Stariji brat, starija sestra. Kišovito vrijeme je bilo razlog da se susret „starijih“ i „mlađih“ održi u sportskoj Sali, ali kroz igru u velikim grupama mladi i djeca su se mogli međusobno upoznati, igrati i družiti.

Bilo je interesantno vidjeti toliki broj učesnika u projektu "Stariji brat, starija sestra" jednom mjestu, rekla je Maša Mirković izvršna direktorica Nove generacije iz Banja Luke.



Nakon igara u kojima su se svi imali priliku zabaviti, grupe iz 6 gradova su pripremile velike makete gradova, sa znamenitostima, interesantnim građevinama, izletištimama i drugim zanimljivim informacijama u vezi sa njihovim gradom. „Stariji i mlađi“ su dobili priliku da za jedan dan bliže upoznaju druge gradove, kao i vršnjake koji dolaze iz njih.

Na kraju su se svi pozdravili oproštajnom igrom i grupnom fotografijom, te je za uspomenu svako dobio razglednicu sa kolažom znamenitosti gradova učesnika.



UDRUŽENJE KULT - GRADAČAC

Ul. Reufa Huseinagića bb, 76 250 Gradačac

Tel.: 035 818 472

E-mail: mirel.bijedic@kultbih.org

Web: www.kult-gradacac.org

„Sajam obrazovanja i profesionalne orijentacije“

Udruženje «KULT» Gradačac u sklopu realizacije projekta «WBP- Profesionalna orijentacija» koji je podržan od GIZ BiH (Njemačko društvo za međunarodnu saradnju) je organizovalo „Sajam obrazovanja i profesionalne orijentacije“ na kojem su se predstavile srednje škole sa područja općine Gradačac i srednje škole iz susjednih općina (Srebrenik, Gračanica, Tuzla i Brčko Distrikt) koje imaju stručna zvanja i zanimanja koja nisu zastupljena u srednjim školama u Gradačcu. Sajam je održan 12.05. 2011. godine u Gradačačkom sajmu u vremenu od 10:00 do 14:00 sati.

Sajam je zamišljen kao događaj gdje će se na jednom mjestu naći predstavnici srednjih škola, sa osnovnim podacima o planu upisa za 2011/2012. godinu i učenici osmih razreda osnovnih škola koji će, u neposrednom kontaktu, moći dobiti informacije koje će im pomoći pri donošenju odluke o daljem školovanju.

Učenici su na sajmu imali ponuđene štampane materijale, video-prezentacije škola, a u neposrednom kontaktu sa predstavnicima škola su mogli postaviti pitanja o svemu što ih zanima o obrazovanju za konkretno zanimanje, trajanju, terminima za upis i ostalo.



KONFERENCIJA: Razvoj omladinskog sektora u BiH

Članovi udruženja KULT Gradačac su učestvovali na Konferenciji na temu: „Razvoj omladinskog sektora u Bosni i Hercegovini“ koja je održana u četvrtak, 19.5.2011. godine u Gračanici povodom završetka GIZ-ovog (Njemačko društvo za međunarodnu saradnju) Omladinskog projekta u Bosni i Hercegovini. Cilj konferencije bio je predstaviti rezultate koji su postignuti u periodu od 2004. do 2011. godine od strane GIZ-a i drugih organizacija u BiH u oblasti omladinskog rada i razvoja omladinskog sektora.

Konferenciju je otvorio načelnik Općine Gračanica, gosp. Nusret Helić i menadžerica projekta, gđa Rubeena Esmail-Arndt, a zatvorio ambasador SR Njemačke u BiH, njegova ekscelencija gosp. Joachim Schmidt pozdravnim govorom o saradnji između SR Njemačke i Bosne i Hercegovine, sa posebnim naglaskom na značaj pružanja podrške mladima u Bosni i Hercegovini.

Tokom konferencije, mogla su se čuti mišljenja mladih ljudi širom BiH koji su predstavili svoja iskustva u pogledu razvoja omladinskog sektora u Bosni i Hercegovini i saradnji sa GIZ-om. Prisutnima su se još obratili Jasmin Bešić, direktor KULT-a, Nurija Hasukić (KULT Gradačac), Zada Bešić (ANEA), Srđan Vidaković (Vlasenica), te Aleksandra Tolj (Istočna Ilidža). U toku panel diskusije, u kojoj su učestvovali gosp. Nusret Helić, načelnik Gračanice, gđa Sanja Zagorac-Jozić, pomoćnica načelnika Općine Ilijaš, gosp. Branislav Spasojević, predsjednik SO Milići, gđica Milena Nikolić, predsjednica Omladinskog savjeta Srebrenica, gosp. Muamer Logo, službenik u UG "Kult" Ilidža i koju je fasilitirala gđa Jasna Jašarević, izvršna direktorica Fondacije tuzlanske zajednice, otvoreno se razgovaralo o mjerama i aktivnostima koje bi svi nivoi vlasti u BiH trebali poduzeti kako bi se omladinski sektor u BiH nastavio razvijati u smislu pružanja podrške mladima u poljima neformalnog obrazovanja, omladinskog poduzetništva, zaštite zdravlja mladih, aktivnog uključivanja mladih u život lokalne zajednice.





UDRUŽENJE „GRAĐANSKI EDUKATIVNI CENTAR“ TUZLA
Kaldrma 2, 75 000 Tuzla
Tel: 063 237 134
E-mail: gec@gec.ba
Web: <http://gradanskiedukativnicentar.blogspot.com/>

GEC podržao inicijativu za osnivanjem REKOM-a

Prepoznavši značaj „**Građanski Edukativni Centar**„ (**GEC**) pridružio se inicijativi za osnivanjem Regionalne komisije za utvrđivanje činjenica o ratnim zločinima i drugim teškim kršenjima ljudskih prava počinjenim od 1991. do 2001. na prostoru nekadašnje SFRJ.

“Smatramo da je osnivanje REKOM-a od izuzetne važnosti za budućnost ovih prostora i želimo dati svoju podršku i doprinos istoj. Ujedno pozivamo građane i građanke Bosne i Hercegovine da svojim potpisom podrže inicijativu zbog sebe. Da se zna. Da se ne zaboravi. Da se ne ponovi. Da krenemo dalje. Da živimo lakše.”



Muzički edukativni program Avista (MEP AVISTA)



„**Građanski edukativni centar**“ (**GEC**) kao organizator i „**Škola muzičkih umjetnosti**“ (**SMU**) kao implementator ušli su u četvrti mjesec realizacije „Muzičkog edukativnog programa AVISTA“.

Jedinstven edukativni koncept koji se po prvi put održava na prostoru Bosne i Hercegovine i regiona je zadovoljio potrebe polaznika u punom smislu te riječi ali i same lokalne zajednice.

Podsjetimo nastavni proces na MEP-u odvija se planiranim tempom u skladu s nastavnim planom i programom do tri puta sedmično.

Učenici u okviru radne sedmice pohađaju individualnu nastavu na odjelima za harmoniku i klavir; osnove teorije muzike pod stručnim nadzorom nastavnika muzike.



PRONI CENTAR ZA OMLADINSKI RAZVOJ
Ive Andrića bb, 76 100 Brčko Distrikt BiH
Tel./Fax: 00 387 49 217 695
E-mail: pronibrco@teol.net
www.pronibrcko.ba



Спречавање насиља у породици

Волонтери и запослени ПРОНИ Центра за омладински развој, заједно са волонтерима других невладиних организација у Бијељини, су 13.5.2011. године, у центру Бијељине дијелили промотивни материјал о спречавању насиља у породици.

У склопу ове акције 31.5.2011. одржана је и презентација на тему могућности укључења младих у рад у друштвеној заједници, значају и вриједностима волонтеризма, као и о друштвеном признању волонтерског и друштвено корисног рада, студентима факултета у Бијељини. Презентација је организована од стране Општине Бијељина, невладиних организација са подручја општине Бијељина и Мисије OEBS-а у БиХ.

Презентација је дио пројекта који се реализује са циљем да се повећа број грађана, а поготову младих који су активни у локалној заједници, препознају вриједности волонтеризма и исти адекватно награди.



Dan Evrope



PRONI volonteri i volonterke i 9.5.2011. su obilježili Dan Evrope. Ove godine mladi su promovisali svoje korake ka boljem, družili se sa djecom iz osnovnih škola Brčko distrikta BiH u Euro info centru. Na Trgu mladih je volonterka Evropskog volonterskog serivsa u PRONI

Centru za omladinski razvoj, Dagna Lewandowska, radila promociju EVS-a, projekta mladih. Građani koji su se družili sa volonterima i zaposlenima imali su šansu dobiti nagrade Euro info centra.

Dan Evrope se obilježava 9. maja svake godine. Naime, 9. maja 1950. Robert Schuman, tadašnji ministar vanjskih poslova Francuske predstavio je svoj prijedlog formiranja Evropske zajednice za ugljen i čelik. Ovaj prijedlog, poznatiji kao "Schumanova deklaracija", smatra se početkom formiranja onoga što je danas poznato kao Evropska unija.

Danas se deveti maj, uz himnu i zastavu, uzima kao evropski simbol. Vijeće Evropske unije u Milanu 1985. godine donijeo je odluku kojom se 9. maja svake godine obilježava kao "Dan Evrope".

Dan Evrope je prilika za aktivnosti i festivale koji Evropu približavaju njenim građanima. Tog dana su sve institucije Evropske unije otvorene za posjetioce. Slogan pratećih akcija svake godine određuje zemlja koja je u tom periodu predsjedavajuća Evropskom unijom.

Dan Evrope obilježava se i u drugim gradovima BiH gdje djeluju EUinfo centri na način da se sedmica u koju pada 9. maj obilježava kao Evropska sedmica.



Малољетничко преступништво

У Брчком је 13. маја 2011. године одржана радионица на којој је начињен Акциони план о борби против малољетничког преступништва на територији Брчко дистрикта БиХ.

У овом планирању су учествовали избрани чланови Координационог тијела, које чине представници законодавне и извршне власти, институција које се баве заштитом дјецe, невладиних организација и др. ПРОНИ Центар за омладински развој Брчко дистрикта БиХ има свога представника у овој групи, Татјана Ристић.

Акциони план је плод вишемјесечног рада и сарадње наведених чланова у оквиру пројекта Бироа за људска права из Тузле под називом „Заштита дјецe изложене ризику и дјецe у контакту са правосудним системом у БиХ“.

NOVE ČLANICE



UDRUŽENJE MLADIH „ZUMBUL“ KOSOVA
Društveni dom bb, 74 253 Kosova - Maglaj
Tel: 061 608 396
Email: um_zumbul@hotmail.com

GLAVNI PROGRAMSKI CILJEVI UDRUŽENJA:

- učestvovanje mladih u životu zajednice, te promovisanje mladih;
- organizacija manifestacija, druženja, ekskurzija i sl.;
- saradnja sa udruženjima istih ili sličnih djelatnosti;
- davanje prostora mladim za iskazivanje svojih ideja;
- itd.

KRATAK ISTORIJAT ORGANIZACIJE:

- Udruga postoji od 29. 12. 2010. godine, znači jako mlado udruženje. Imamo dosta planova, ideja, ciljeva....
- Do sada je urađen projekat prezentacije udruženja s ciljem promovisanja udruženja, upoznavanja javnosti sa radom i ciljevima udruženja. U toku je drugi projekat Udruženja „Zumbul“ „Milion potpisa za REKOM“, a mi smo jedna od organizacija koja učestvuje u prikupljanju potpisa.
- Predat je projekat za obnovu poligona sportskih igara, ali trenutno čekamo odgovor.

KONTAKT OSOBE ORGANIZACIJE:

- Adel Karahmetović-predsjednik skupštine
- Ernad Suljić-predsjednik upravnog odbora

INFORMACIJE / SAOPŠTENJA/ POZIVI



Trg Republike 1 (Banja)
88000 Mostar, BiH
Tel.: + 387 36 558 485,
fax: + 387 36 558 486
e-mail: bihcdo@cob.net.ba,
Internet: www.cdobih.org

1. CENTAR ZA DRAMSKI ODGOJ počinje sa realizacijom dva projekta koji tretiraju pitanja diskriminacije Roma. Projekti su „Prvi korak“ i „Vidiš da smo isti“. Naša ideja je da primjenom forme Forum teatra progovorimo o ovim problemima i u interakciji sa brojnom publikom širom Bosne i Hercegovine doprinesemo prevladavanju brojnih stereotipa i predrasuda. Naša ideja je da u projekat uključimo ravnopravno mlade ljude svih nacionalnosti koje žive u Bosni i Hercegovini i da zajedno govorimo o ovim problemima i istražujemo njihove uzroke i posljedice.

Prva faza projekta bila bi sedmodnevna rezidencijalna škola forum teatra na kojoj bi ovladali osnovnim vještinama ove tehnike i kreirali malu forum predstavu koja bi otvarala problem sa kojim bi putovali po Bosni i Hercegovini.

Na radionici bi učestvovalo 14 mladih ljudi uzrasta od 13 do 17 godina. Jedna polovina bili bi Romi, a druga polovina ostali. Takođe je važno da obezbijedimo da u grupi koja će učestvovati na radionici bude jedna polovina djevojaka kako bi imali i rodnu ravnopravnost.

Potrudimo se da učesnici radionice budu iz cijele Bosne i Hercegovine.

Radionica će biti održana od 3. do 10. jula 2011. godine. O mjestu održavanja dogovorićemo se naknadno.

Svi troškovi boravka, kao i putni troškovi učesnika radionice biće pokriveni.

Učešće na radionici podrazumijeva prihvatanje učešća u projektu koji traje jednu godinu i podrazumijevaće putovanja po mnogim gradovima i mjestima BiH.

Ako vam se sve ovo čini zanimljivim očekujemo da popunjen upitnik, koji vam dostavljamo u prilozi, dostavite do 20. juna 2011. godine na neku od naših adresa:

CDO, Maršala Tita broj 135, 88 000, Mostar

Te/fax: 036 558 485

E – mail: cdo@bih.net.ba

**APLIKACIJA ZA RADIONICU
OSNOVI FORUM TEATRA
Projekti “Prvi korak” i “Vidiš das mo isti”**

IME I PREZIME: _____

DATUM I GODINA ROĐENJA: _____

ADRESA: _____

TELEFON / privatni /: _____

e-mail: _____

ZANIMANJE: _____

ORGANIZACIJA IZ KOJE DOLAZIŠ: _____

ZAŠTO ŽELIŠ UČESTVOVATI U OVIM PROJEKTIMA? _____

POTPIS

MOLIMO VAS DA OVU APLIKACIJU ISPUNITE I POŠALJETE NAJKASNIJE DO 20. JUNA 2011. na
fax: + 387 36 558 485 ili e-mail: cdo@bih.net.ba
adresa: Centar za dramski odgoj Bosne i Hercegovine, Maršala Tita broj 135, 88000 Mostar, Bosna i
Hercegovina

2. GOETHE-INSTITUT U BOSNI I HERCEGOVINI POZIVA NA UČEŠĆE

www.omladina-bih.net

PRVI EUROCK MARATHON!

Muzičko takmičenje u rock muzici – newcomer bendovi – gostujuće zvijezde

19. oktobra 2011. godine u Atini-Grčka vas očekuje **MANIFESTACIJA:**

- koja zbližava rok-muzičare!
- koja pruža priliku rock bendovima u usponu!
- koja vam donosi provod, dobro raspoloženje & fantastičnu muziku!
- koju nećete zaboraviti!

Na Eurock Marathonu newcomer bendovi iz Evrope dobiće šansu da pokažu šta znaju.

Newcomer bendovi se mogu prijaviti do 30. juna 2011. godine.

Osam finalista koji u kvalifikacijskoj fazi pobijede konkurenciju će nastupiti jedni protiv drugih 19. oktobra u Atini.

Tamo će publika i žiri odabrati tri pobjednika večeri koji će time automatski postati učesnici Eurock Marathona 2012. godine u Berlinu.

Prvo mjesto nosi novčanu nagradu u visini od 5000€, drugo mjesto 3000€, a treće mjesto 2000€.

Poznate rock zvijezde će održati koncert nakon takmičenja, što će biti vrhunac večeri i predstavljajući most između iskusnih umjetnika i mladih muzičara.

- Da li ste vi rock bend?
- Živate li u Evropi?
- Imate li minimalno jedan album (CD) i iskustva sa nastupima uživo?

[Onda se prijavite na: www.eurockmarathon.eu !](http://www.eurockmarathon.eu)

Festival Eurock Marathon podržava Goethe-Institut Atina i EUNIC.

Ajla Eljšani
Koordinatorin der Programmarbeit
Koordinatorica kulturnih programa
Goethe-Institut Bosnien und Herzegowina
Bentbaša 1a
71000 Sarajevo
Bosnien und Herzegowina
Tel.: +387 33 570 000, fax.: +387 33 570 030

ajla.eljsani@sarajevo.goethe.org
www.goethe.de/BiH
EUNIC Bosnia and Herzegovina

DONATORI

1. MALI GRANTOVI UNDP-a

Poštovani,

Ovim putem želimo da vas obavijestimo da će ove godine u okviru projekta Pristup pravdi: Suočavanje s prošlošću i izgradnja povjerenja za budućnost UNDP BiH biti realizovan drugi krug malih finansijskih grantova namijenjenih organizacijama civilnog društva. Javni poziv za podnošenje prijedloga, u kojem će biti naznačeni svi detalji i rokovi za prijavu, trebao bi biti objavljen krajem juna.

Srdačan pozdrav

Nedima Hadžiibrišević

Communications Associate

Access to Justice: Facing the Past and Building Confidence for the Future

Human Sector Cluster

UNDP Bosnia and Herzegovina

Maršala Tita 28

Sarajevo

Tel.: + 387 33 563 636

Fax: + 387 33 552 330

Email: nhadziibrisevic@undp.ba

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design
Webmaster:

Emir Delalić-Zeko - Tuzla
emir.delalic@gmail.com

web: www.omladina-bih.net
mejling lista Mreže:
posta@omladina-bih.net

Adrese za slanje vaših informacija za mjesečni bilten:
hcatuzla@bih.net.ba; orctuzla@bih.net.ba
fax: 035 258 077

hCa Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orctuzla@bih.net.ba
hcatuzla@bih.net.ba

Mjesečni bilten uređuje Omladinski resursni centar - ORC Tuzla